

鄭東甬社詩鈔

庚寅第二鈔

杜詩鈔卷之三

卽墨鄭杲學

漢陂西南臺

高臺面蒼陂六月風日冷蒹葭離披去天水相與永懷新目似擊接要
心已領仿佛識鮫人空蒙辨魚艇錯磨終南翠顛倒白閣影嶢峩增光
輝乘陵惜俄頃勞生愧嚴鄭外物慕張邴世復輕驂騑吾甘雜黿鼉知
歸俗可忽取適事莫並身退豈待官老來苦便平聲靜况資菱芡足庶結
茅茨迥從此具扁舟彌年逐清景

世復輕驂騑蓋詔徵一藝之後李林甫表賀野無遺賢之時也

夏日李公

一云李公家令

見訪

李時爲太子家令按宗室世系表當是李炎

黃鶴曰

遠林暑氣薄公子過我遊貧居類村塢僻近城南樓旁舍頗淳朴所願

樊陳並
作須

亦易求隔屋喚西家借問有酒不牆頭過濁醪展席俯長流清

風左右至客意已驚秋巢多衆鳥鬪葉密鳴蟬稠苦道

一作遭

此物聒孰

謂吾廬幽水花晚色靜庶足充淹留預恐樽中盡更起爲君謀

蟬聒四句蓋有託諭客意驚秋一句領下

以上二首與苦雨九日同意

送韋十六評事充同谷郡防禦判官 惜之也韋有忠節宜可重用

而置之閒散故惜之

昔沒賊中時潛與子同遊今歸行在所王事有去留偏側兵馬間主憂

急良籌子雖軀幹小老

一作志

氣橫九州挺身艱難際張目視寇讐朝廷

壯其節奉詔令參謀鑾輿駐鳳翔同谷爲咽喉西扼弱水道南鎮枹罕

陬此邦承平日剽劫吏所羞況乃胡未滅控帶莽悠悠府中韋使君道

足示懷柔令姪才俊茂二美又何求受詞太白脚走馬仇池頭古色沙

土裂積陰雪雲

一作霜雪

稠羌父豪猪靴

一作帽

羌兒青兕裘

晉作漢兵黑貂裘

吹角

向月窟蒼山旌旆愁鳥驚出死樹龍怒拔老湫古來無人境今代橫戈
矛傷哉文儒士憤激馳林丘中原正格鬪後會何緣由百年賦命定豈
料沈與浮且復戀良友握手步道周論兵遠壑淨亦可縱冥搜題詩得
秀句札翰時相投

送樊侍御痛哭蒼煙根不爲過者方在播越哭爲合禮若移之他
時則過矣此云題詩得秀句者同谷防禦不似三判官事地急要
故終言題詩與

徒步歸行

贈李特進自鳳翔赴鄜州途經邢州作

勸討賊也末二句蓋曰妻子流離

須公平賊或曰向李借馬也

明公壯年值時危經濟實藉英雄姿國之社稷今若是武定禍亂非公
誰鳳翔千官且飽飯衣馬不復能輕肥青袍朝士最困者白頭拾遺徒
步歸人生交契無老少論交何必先同調妻子山中哭向天須公櫪上
追風驃

錢云時當肅宗括馬之後故曰不復能輕肥恐此時不當譏括馬
也

題李尊師松樹障子歌 憂太子不立也舊次入蜀詩後今案當在
收京後廣平王尙未立爲太子張后譖言時也

老夫清晨梳白頭玄都道士來相訪握髮呼兒延入戶手提新畫青松
障障子松林靜杳冥憑軒忽若無丹青陰崖却承霜雪幹偃蓋反走虬
龍形老夫平生好奇古對此興與精靈聚已知仙客意相親更覺良工

心獨苦松下丈人巾屨同偶坐似是商山翁悵望聊歌紫芝曲時危慘澹來悲風

注引唐會要玄都觀在長安朱雀街

貽阮隱居

昉

陳留風俗衰人物世不數塞上得阮生迴繼先父祖貧知靜者性自

晉作

益毛髮古車馬入鄰家蓬蒿翳環堵清詩近道要識子

一作字

用心苦

尋我草逕微褰裳踏寒雨更議居遠村避喧甘猛虎足明箕穎客榮貴如糞土

陳留

晉書阮籍陳留尉氏人也

佳人

絕代有佳人幽居在空谷自云良家子零落依草木關中昔喪敗兄弟

遭殺戮官高何足論不得收骨肉世情惡衰歇萬事隨轉燭夫壻輕薄

兒新人已

一作美

如玉合昏尙知時鴛鴦不獨宿但見新人笑那聞舊人

哭在山泉水清出山泉水濁侍婢賣珠回牽蘿補茅屋摘花不插髮

一作

警一作鬢

采柏動盈掬天寒翠袖薄日暮倚修竹

仇滄柱曰當時實有是人曾文正亦云今案關中已下知當時實

有此人幽居秦州子美感而作詩後半託興深遠不專爲是人矣

赤谷西崦人家

躋險不自喧

荆作宣一作安

出郊已清目溪回日氣暖逕轉山田熟鳥雀依茅

茨藩籬帶松菊如行武陵暮欲問桃花宿

西枝村尋置草堂地夜宿贊公土室二首

出郭眇細岑披榛得微路溪行一流水曲折方屢渡贊公湯休徒好靜

心迹素昨枉霞上作盛論岩中趣怡然共攜手恣意同遠步捫蘿澀先
登陟嘯眩反顧要求陽岡煖苦陟晉作步陰嶺汭惆悵老大藤沈吟屈蟠

樹卜居意未展杖策回且暮層巔餘落日草蔓已多露

天寒鳥已歸月出人

晉作山

更靜土室延白光松門耿疏影躋攀倦日短

語樂寄夜永明燃林中新暗汲石底井大師京國舊德業天機秉從來
支許遊興趣江湖迥數奇謫關塞道廣存箕穎何知戎馬間復接塵事
屏幽尋豈一路遠色有諸嶺晨光稍矇矓更越西南頂

朱子常謂晉宋間詩多閒淡杜工部詩常忙竊謂古詩厲宣幽三
朝小雅數十篇亦未見閒淡晉宋間賊臣當國賢人隱伏不復與
人家國只得有閒散詩時不同也公秦州詩數篇蓋亦閒淡豈不
以棄官隱去故耶要之元肅代三朝正如周之厲宣幽非晉宋之

間也故憂時諷刺猶得見於吟詠杜公陶公當是易地皆然也
惆悵二句似猶未能淡然

寄贊上人

一昨陪錫杖卜鄰南山幽年侵腰脚衰未便陰崖秋重岡北面起竟日
陽光留茅屋買兼土斯焉心所求近聞西枝西有谷杉黍稠亭午頗和
暖石田又足收當期塞雨乾宿昔齒疾瘳徘徊虎穴上面勢龍泓頭柴
荆具茶茗逕路通林丘與子成二老來往亦風流

萬丈潭

同谷
縣作

青溪合冥冥神物有顯晦龍依積水蟠窟壓萬丈內跼步凌垠堦側身
下煙靄前臨洪濤寬却立蒼石大山危一徑盡崖絕兩壁對削成根虛
無倒影垂澹瀨黑如灣潭底清見光炯碎孤雲倒來深飛鳥不在外高

蘿成帷幄寒木累旌旆遠川曲通流嵌竇潛洩瀨造幽無人境發興自
我輩告歸遺恨多將老斯遊最閉藏修鱗蛰出入巨石礙何事暑天過
快意風雨會

發秦州

乾元二年自秦州赴
同谷縣紀行十二首

我衰更嬾拙生事不自謀無食問樂土無衣思南州漢源十月交天氣
涼如秋草木未黃落况聞山水幽栗亭名更佳下有良田疇充腸多薯
蕷崖蜜亦易求密竹復冬筍清池可方舟雖傷旅寓遠庶遂平生遊此
邦俯要衝實恐人事稠應接非本性登臨未銷憂谿谷無異石塞田始
微收豈復慰老夫惘然難久留日色隱孤戍烏啼滿城頭中宵驅車去
飲馬寒塘流磊落星月高蒼茫雲霧浮大哉乾坤內吾道長悠悠

鐵堂峽

山風吹遊子縹緲乘險絕峽形藏堂隍壁色立積鐵徑摩穹蒼蟠石與
厚地裂修纖無垠竹嵌空太始雪威遲哀壑底徒旅慘不悅水寒長冰
橫我馬骨正折生涯抵弧矢盜賊殊未滅飄蓬踰三年回首肝肺熱

赤谷

天寒霜雪繁遊子有所之豈但歲月暮重來未有期晨發赤谷亭險艱
方自茲亂石無改轍我車已載脂山深苦多風落日童稚飢悄然村墟
迴煙火何由追貧病轉零落故鄉不可思常恐死道路永爲高人嗤

寒峽

行邁日悄悄山谷勢多端雲門轉絕岸積阻霾天寒寒峽不可度我實
衣裳單况當仲冬交泝淞增波瀾野人尋煙語行子傍水餐此生免荷
戛未敢辭路難

鶴曰秦至成之界垂二百里又七十里至成今寒峽尙爲秦地而
已交十一月則去秦在十月之末

法鏡寺

身危適他州勉強終勞苦神傷山行深愁破崖寺古嬋娟碧鮮淨蕭滅
寒籥聚回回山根水冉冉松上雨洩雲蒙清晨初日翳復吐朱甍半光
炯戶牖粲可數拄策忘前期出蘿已亭午冥冥子規叫微徑不復取

青陽峽

塞外苦厭山南行道彌惡岡巒相經亘雲水氣參錯林迴峽角來天窄
壁面削礧西五里石奮怒向我落仰看日車側俯恐坤軸弱魑魅嘯有
風霜霰浩漠漠昨憶踰隴阪高秋視吳岳東笑蓮華卑北知崆峒薄超
然侔壯觀已謂殷寥廓突兀猶趁人及茲歎冥冥

漢志吳岳在汧縣西古文以爲汧山國語謂之西吳秦都咸陽以爲西岳

龍門鎮

細泉兼輕冰沮洳棧道濕不辭辛苦行迫此短景急石門雪雲隘古鎮
峯巒集旌竿暮慘澹風水白刃澁胡馬屯成臯防虞此何及嗟爾遠戍
人山寒夜中泣

水經注洛谷水又南逕仇池郡西瞿堆東西南入漢水漢水又東
合洛漢水水北發洛谷南逕威武戍又西南與龍門水合水出西
北龍門谷東流與橫水會東北窮溪卽水源也又南逕龍門戍東
又東南入洛漢水又東南逕上祿縣故城西寰宇記龍門山在梁
州三泉故縣西七十里 元和郡國志褒斜道一名石牛道張良

令燒絕棧道卽此道也 水經注褒水西北出衙嶺山東南逕大石門歷故棧道下谷又東南歷小石門門穿山通道六丈有餘蜀都賦曰岨以石門斯之謂也門在漢中之西褒中之北 舊注言安史之兵屯于成臯而置戍于此道里遼遠不相及也

石龕

熊羆咆我東虎豹號我西我後鬼長嘯我前狖又啼天寒昏無日山遠道路迷驅車石龕下仲冬見虹蜺伐竹者誰子悲調上雲梯爲官採美箭五歲供梁齊苦云直斲盡無以充提攜奈何漁陽騎颯颯驚蒸黎方輿勝覽石龕在成州近境 梁齊謂劍南河北用兵而箭斲取給于隴右也

積草嶺

連峯積長陰白日遞隱見颼颼林響交慘慘石狀變山分積草嶺路異
明水縣旅泊吾道窮衰年歲時倦卜居尙百里休駕投諸彥邑有佳主
人情如已會面來書語絕妙遠客驚深眷食蕨不願餘茅茨眼中見

通志積草嶺在舊天水同谷之間 元和郡國志鳴水縣屬興州
東至州一百一十里本漢沮縣地也後魏置鳴水縣以谷爲名夢
弼曰謂此嶺之外東西別行東則同谷西則明水也

泥功山

朝行青泥上暮在青泥中泥濘非一時版築勞人功不畏道途永乃將
汨沒同白馬爲鐵驪小兒成老翁哀猿透却墜死鹿力所窮寄語北來
人後來莫忽忽

寰宇記雷牛山泥公山五仙山三山皆歷栗亭縣界方輿勝覽在

同谷郡西二十里梁書齊永明中魏氏南梁州刺史仇池公楊靈
珍據泥功山歸款元和郡國志貞元五年于同谷縣西界泥公山
上權置行成州

鳳凰臺

山峻不
至高頂

亭亭鳳凰臺北對西康州西伯今寂寞鳳聲亦悠悠山峻路絕蹤石林
氣高浮安得萬丈梯爲君上上頭恐有無母雛饑寒日啾啾我能剖心
出飲啄慰孤愁心以當竹實炯然無外求血以當醴泉豈徒比清流所
重王者瑞敢辭微命休坐看綵翮長舉意八極周自天銜瑞圖飛下十
二樓圖以奉至尊鳳以垂鴻猷再光中興業一洗蒼生憂深衷正爲此
羣盜何淹留

鳳喻房太尉也寰宇記鳳凰山在同谷縣水經注云濁水南經槃

頭郡東而南合鳳溪水水上承濁水于廣業郡南逕鳳凰溪中有
二石雙高其形若闕漢世有鳳凰栖其上故謂之鳳凰臺北去郡
二里水出臺下方輿勝覽在同谷東南十里中有二石如闕山腰
有瀑布名迸璣泉天寶間哥舒翰有題刻宛然半巖間 元和郡
國志同谷縣本漢下辨道屬武都郡故氏白馬王國魏宣帝置廣
業郡并白馬石縣恭帝改白石爲同谷縣開皇三年罷郡以縣屬
康州大業屬鳳州貞觀八年屬成州寰宇記武德元年復置成州
貞觀元年以廢康州之同谷縣來屬

乾元中寓居同谷縣作歌七首

有客有客字子美白頭亂髮垂過耳歲拾橡栗隨狙公天寒日暮山谷
裏中原無書歸不得手脚凍皴皮肉死嗚呼一歌兮歌已哀悲風爲我